



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Ethicè.

[urn:nbn:de:hbz:466:1-68709](#)

SYMBOLVM XLI.

Acheloi Copiæ-Cornu.

9. Metamorph.

Ethicè.

1. Jactantia militaris sordet. 2. Audacia temeraria & timida. I-
tem sophista vel hæteticus. 3. Pugnandum seu vi, seu dolo.
4. Flaviorum utilitas. 5. Copiæ-Cornu, Virtutis præmium.

DEjanira Oenei regis Ætolia filia, Meleagri soror, omnes sui tem-
poris virgines, formæ ac virtutis dignitate præcedebat. Cuius
niuptias cùm multi illustres proci ambirent, duo præ cæteris for-
titudinis & famæ gloria insignes illam in matrimonium petierunt Ache-
lous & Hercules. Ille parentes habuit Oceanum & terram, hic ipsum
Jovem. Oeneus cùm difficilem cerneret optionem, voluit rem commit-
tere certaminis, illūmque se generum esse dicturum affirmavit, qui alte-
rum luctâ vicisset. Nec mora; congregiuntur ambo luctatores, non
minus arte, quam robore & pertinacia valentes. Hæret pedi pes, pe-
ctus pectori, brachia brachiis; sudore fluunt artus, & crebro anhelitu
concutiuntur. Uterque certus non cedere. Summus in eo conatus, ut
alter alterum (erant enim nudi, ceromate inuncti) apprehendat, & pro-
sternat. Dixisse duos tauros infestis cornibus concurrende, spectante ar-
mento & pavente. Hercules ubi amplectentis se Acheloi brachia excus-
sit, maximo eum nisu in terram detraxit, jacentisque cervicem arri-
piens, elisurus erat, nisi Achelous ad consuetas artes seu præstigias con-
versus, subito in anguem se mutasset, & sinuosus flexibus extricasset.
Minas trisulca linguâ vibratas risit Alcides, ut qui in cunis ipsis serpen-
tes compressisset. Injicit anguineo collo vincula, suffocassetque, nisi
adversarius sic quoque victus induita ferocis tauri forma in Herculem in-
currisset. Sed non feliciori successu. Eversus enim & humili provolu-
tus in bove latens antagonista, dum fese ad nova prælia erigere nititur,
cornu alterum victoris, manu revulsum, fractumque amisit. Sustule-
runt illud Naiades (Nymphæ fontium & fluminum) variisque repletum
fructibus, Copia, fertilitatis Deæ, dicârunt. Inde Nymphae una Her-
culei

culi' victori, spectatorib'usque certaminis, inter quos Theseus & Pirithous, è prædivite cornu mensas secundas apposuit. Achelous truncato cornu jam modestior & nativam in formam reversus (fluvium scilicet) sub undas in domicilium suum se retulit, in honori capitis fœditatem corona falignâ, aut arundinea occultaturus.

Ethica.

I. (a) Acheloo convitijs magis, quam viribus Herculem provocanti, respondit heros:

----- melior mihi dextera lingua:

Dummodo pugnando superem; tu vince loquendo.

Rectè, & fortiter. Sic etiam Turnus respondit Dranci, homini gloriosabundo, & cœlum armis territanti. II. Æneid.

Larga quidem semper, Drance, tibi copia fandi;

Tum, cum bella manus poscunt, patrib'usque vocatis

Primus ades: sed non replenda est curia verbis,

Quæ tutò tibi magna volant.

Et ibidem. ----- tibi Mavors

Ventosa in lingua, pedib'usque fugacibus istis.

Suidæ Æneis. Mars, dicitur ἀπὸ τῆς πού dico. Et à privante: id est, sine diétis. In bello namque opus est factis, non verbis. Inde Homerus. 16. Iliad.

Ἐτ τι καὶ μῆθον ὁφέλειν, αὐτὰ μάχεσθαι

Nihil opus est verba augere, sed pugnare.

Unde laus illa Jugurthæ apud Sallustium: *Plurimum facere, & minimum ipse de se loqui*, scilicet solebat. Nihil odiosius præsertim in milite, quam lingua ostentatrix, juxta veterem jambum:

Bellator ore, re ferè ignavum pecus.

Talis fuit Thraso, miles ille glriosus Pyropogopolinices apud Plautum, qui gloriabatur clypeum se gestare sole clariorem: qui totas regiones uno difflabat spiritu: qui lancea perforabat cœlum, & sidera in pallorem ac metum dabat. Ita tumentem, magis etiam inflavit Artotrogus parasitus; adeò ut ad auram à Sycophanta factam, os atque narres instar bubali diduceret Pyropogopolinices. Non absimilis huic jicatori miles ille, qui rogatus à Duce genus & originem: Bellona, inquietabat, me genuit: Mars lustravit infantem: victoria nutrix fovit si-

nu:

(a) *Laetitia militaris foderi.*

nu : cadentem de matre clypeo exceptit ; vix auras traxi , & jam vagum , allisi umbonibus . Vah thrasonicè . Qui sapit , heroëm ostendet potius provocatus , quam ut jaet illaudatus . Acheloo cornua superbiis efferenti , decussit Hercules , docuitque Martem in manu , non in lingua gestandum .

II. (b) Hic nota , cum audacia sœpius contumeliosam & jactabundam linguam esse conjunctam ; audaciam verò oriri vel ex inscitia & stupiditate , ut quis virium suarum debilitatem aut præsentis periculi magnitudinem non cognoscat ; vel ex fastu , quod alios ferociter despicit , quasi nulla ratione sibi pares , vel ex inani gloriae cupiditate , cum quis nescio cuius leviusculæ auræ rumoribus excitatus ad stipendum vanitatis promerendum , vitæ amorem calcat , & falsò fortitudinis nomen ac existimationem aucupatur , cum tamen intus timoribus agatur . Aristoteles θεοδαιλον , id est , audaciam timidam vocat ; talis enim antequam res urgeat , præproperus est & insolens ; in pugna verò tardior ; cum contra viri fortes initio seduli sint , & in ipsis factis aeres & celeres ; cuius rei exemplum nescio an expressius reperias , quam Xerxis Persarum regis , qui primus in fuga semper fuit ; sicubi verò metus abesset , inflatus adeò , quasi naturæ dominus , ante belli experimentum montes in planum deduceret , convexa vallium æquaret , & maria pontibus sterneret . Timiditatis eius , quod Valerius testatur , lepus erat signum , equæ partu editus tunc , cum adversus Græcos innumerabilem exercitum duceret , mare classibus , terram pedestribus copiis operaret , unaque denique scaphâ turpiter salutem in fuga quæreret . lib . I . c . 77 . Addo multis temeritatem & Acheloi cornua fiducia artis magicæ crescere , qua præfidentes sperant se adversus omnium telorum ictus , induratos & invulneratos fore , exemplo Acheloi specie serpentis è manibus Herculis elabentis , & repente taurum induentis . Sed frustra . Superbiam & ferociam egregiè domuit antagonistæ , dum fracto deformem & lacerum cornu spectantibus risum ac ludibrium fecit . Thrasonicam Acheloi ostentationem satis illa declarant :

----- Dominum me cernis aquarum .

Sarcasmos verò & criminacionem :

Jupiter aut falsus pater est : aut crimine verus .

Exprobrando scilicet Alcidi natales suos . Vbi vides genium expressum hominis stolidè ferocientis ; sed ubi vires adversarij expertus est , effugium à timore & anguinea lubricitate petentis , terraque irrepentis .

Per

(b) Audacia temeraria & timida .



Per Acheloi serpentinam & taurinam formam exprimitur quoque dominus Sophista, aut haeticus, qui virus pestilentis doctrinae jam instar serpentis sub SS. Scripturæ male corruptæ volumine clam illabendo insinuat in animos; jam convitiis, contumeliis, seditionibus, armis debacchando in Religionem Orthodoxam, conatur omnibus modis impugnare veritatem, quæ per Herculem designatur, nulli cedentem, & tam adversus vaeras *Serpentis* insidias, quam feroce tauri incursum præalentem.

III. (c) Achelous robore, & vera virtute victus, ad artes suas dilabitur. Pingit nobis versuti Ducis ingenium: qui ubi se aperta vi & armis hosti parem esse non posse videt, clanculariis technis, insidiis, & Strategematis illum aggreditur. Sic Annibal, postquam suis se artibus à Fabio petitus vidit, minus sperare cœpit de felici belli exitu, referente Livio. Sic Jugurtha callidis ferè consiliis & frustrationibus Romana elusit arma, narrante Sallustio. Contrà, Hercules semper induitus legitur pelle *Leonina*, nunquam autem *Vulpina* aut *Serpentina*. Vera enim virtute & fortitudine, apertaque Marte adoptus hostes, superavit eos. Sic Alexander magnus suadentibus Ducibus, ut Darij exercitum, discordem moribus & linguis, intempesta nocte opprimeret, respondens, latrunculorum, inquit, & furum ista solertia est: quippe illorum votum unicum est, fallere. Meæ verò gloriæ semper aut absentiam Darii, aut angustias locorum, aut furtum noctis obstatre non patiar. Palam luce aggredi certum est. Malo me fortunæ poeniteat, quam victoriae pudeat. Curt. lib. 4. Negari tamen non potest, locum esse in bello callidis consiliis, & artibus; adeoque Duci militari aliquando *Serpentis* astu, juxta exemplum Acheloi utendum: dextrè sustinendo hostem elabendum esse, subterfugia querenda, impressiones & aggressiones validiores variis flexibus eludenos: aliquando aperta fronte decertandum, & instar tauri in adversas acies incurrendum. Poëta dictum est.

— Dolus an virtus, quis in hoste requirat?

Assentitur sacrorum antistites Augustinus in Quæst. super Josue c. 10. Cum justum bellum suscipitur, ut aperte pugnet quis, aut ex insidiis, nihil ad justitiam interest. Taurorum est, cornibus solum fidere. Consilium, latebrae, nox, flumina, silvae, colles, venti bella juvant. In omnem eventum Duces quidam præparati, fortunam in potestatem habuere; territi exultaverunt; pressi teruerunt. Serpentis calliditatem taurinæ ferociæ junxit Annibal, quando à Romanis in actum redactus, boum cornibus fasces virgarum, atque arida sarmenta præligavit, primasque sub noctis tenebras,

M m

cornu-

(c) Pugnandum Marte aperto, & strategematis.

cornibus accensis furentes boves , super saltus ab hoste in sebos egit , latéque terrorem ac fugam spargendo , sibi viam effugiendi aperuit . Liv. lib. 22. Rectè tamen monet Florus lib. 1. c. 12. Eam vir sanctus & sapiens solet veram esse victoriam , quæ salvâ fide & integra dignitate parabitur . Nam contra pacta & foedera fraudem quis probet ? quis item vilem aliquam & abjectam ? ut si quis hostem veneno tollat , aut ciâm immisso , emptoque percusso ?

IV. (d) Achelous & alii fluvii tauris similes effinguntur , quoniam vel cum impetu irruptentes , tauris similem edant mugitum : vel quia circa ripas fluminum tauri mugire uberiora ob pascua audiantur . Achelous etiam draconis sive serpentis figuram assumpsit , quia & ipse , & amnes alii sinuoso deferuntur cursu . Acheloum temerè & cum impetu per Aetolian ruentem , agrösque infestantem , Hercules aggeribus & aquæ ductibus coercuit & extenuavit , unde dictus est fluvio taurinum cornu defregisse ; vel juxta alios , Acheloum geminis alveis labentem , alterum eorum vertit aliò , & sic plurimos Aetolis asseruit agros , omni fructuum genere fertiles . Et quia magnæ commoditates hauriuntur è fluiis , præsertim navigabilibus , Cornucopia , seu copiæ cornu , variorum Autumni fructuum ferax , felicitatis & abundantiae Symbolum , ex Acheloi cornu exorta fingitur .

V. (e) Neque inane est , quod Nympharum una è Diana gynæco Herculem Victorem velut gratulabunda exceptit ,

----- totumque tulit prædivite cornu

Autumnū , & mensas , felicia poma , secundas .

It enim virtuti fortuna comes , & dulcis est fructus laborum . Hinc hieroglyphicum : Cornu copiæ , affulgente sole , utraque manu , velut in foedus porrecta , sustinetur . Inscriptio . Non deficit alter , id est , nec sol , nec terra deficit ad frugum copiam procreandam , quando nostræ manus non deficientiunctim sustinendo . Addunt Poëtae Herculem peracto certamine palmâque relata Acheloi Cornu Dejaniræ sponsa promunere nuptiali donasse ; quô ostenditur , sudore & fortiter faciendo famam , laudem , felicitatem , velut sponsam domum duci . De sponsis virtute obtentis alibi diximus . Cornu copiæ ex lucta reportatum indicat , Dulcem è bello nasci Pacem , cum Bonis adjunctis , de quibus Poëta Venusinus Epid. carm. sæc.

Jam Fides , & Pax : & Honos , Pudorque
Priscus , & neglecta redire virtus

Audet : apparètque beata pleno

Copia Cornu .

(d) Fluviorum utilitas . (e) Copia cornu virtutis præmium .

M. Per-



M. Perpenna Dux belli Romanus, ut significaret felicissimum orbis imperium esse in pace & abundantia rerum, Cornu-copiæ, & caduceum, globo terræ appinxit. Huc alterum pertinet cornu-copiæ, seu Amalthea, sive haec capra fuerit, sive Nympha Melissi filia, quæ lac caprinum Jovi infanti, & in Creta, propter parentis Saturni tyrannidem occultato, præbuisse dicitur. Capra inter sidera relata est; ejus cornu in officii præmium nutrici datum, cum adjecto, ut quidquid optaret, id illi ex eo copiæ cornu largiter suppullularet, & enasceretur.

Unde disces grati virtutem animi.

SYMBOLVM L.

Bivium Herculis.

Ex Prodico Philos. Xenophonte 2. Quintil. lib. 9. c. 2. Cic. 1. Offic.

Ethicè.

I. Virtus & voluptas occurunt homini in bivio. 2. Herculis imitator Scipio. 3. Littera Pythagoræ. 4. Ejusdem explicatio. 5. Bivium Litterarum. 6. Adolescentiæ lubrica via. Invitamentum voluptatis. 7. Attende, quam ingrediaris viam à primis annis.

ANequam referamus ea, quæ Hercules dedit Iacertorum robore, fortitudinis specimina, enarranda mentis est excellentia, quæ in ipso etiamnum adolescenti eluxit, dum in *Bivio Voluptatis* & virtutis positus, egregiam de se ipso victoriæ obtinuit, ac repudiatis vitæ mollieris illecebris, virtutem ad ardua vocantem generoso voluptatis contemptu securus est. Describit hanc luctam *Prodicus Sophista* Cous, qui Herculem jam puberem, virilésque gerentem animos duplii in via statuit; & utriusque huic (a) *Virtutem*, *Voluptatemque* tanquam duces præficit: quarum altera arrogans procaxque; altera serio vultu, modesto incessu, virili voce, aspectu mansueto, liberali ingenio, corpore munda, oculis verecunda, gestu modesta inducitur: Illa, scilicet *Voluptas*, lasciva, fucata, cultu molli, impudenti obtutu, incomposito gradu, fracto sermone, invitat ad prata, ubi vernantes rident

M m 2 flores.

(a) *Virtus & voluptas in bivio se Herculi objiciunt, ille virtutem sequitur.*